

شعارات الجزء الحادي عشر | الحلقة (11) | #إني_أنست_نوراً

| الموسم 10 | د . حازم شومان

حازم شومان

السلام عليكم ورحمة الله وبركاته. اخواني واخواتي في الله تدبرات وشعارات قرآنية من الجزء الحادي عشر باذن الله يا جماعة احنا خلاص بدأنا في التلت الثاني من رمضان. تلت الصادقين. ثلث الصادقين. التلت النصاني في اي ماراثون ده اصعب تلت. ده التلت اللي بيتحكم هتكمل - [00:00:00](#)

ولا لا؟ ده القنطرة للعشرة الاواخر يعني اللي هياخد التلت من الصاني. صح؟ ده اللي هيكمل بقى. عايزين نبقى صادقين كده وما نقعش زي معزم الناس لما بيقع في هذا الثلث عايزين نكمل مجاهدة مع القرآن لان العطول النصاني زي التلت الاولاني والاخراني في كل يوم وليلة دعوة مستجابة في كل يوم - [00:00:36](#)

كلنا فرصة للعتق من النار ابشروا يا جماعة. يعني اللي هيكمله في التلت ده فرصتهم اسهل بكثير جدا جدا انهم يفوزوا بعطاءات الله في رمضان الشعار الاول بان لهم الجنة. ان الله اشترى من المؤمنين انفسهم واموالهم كل حاجة كل حاجة. ربنا ده ده انا ملكك يا رب - [00:00:56](#)

بتشتريني! ده انت اللي مديني نفسي ومالي! وتشتروهم مني بان لهم الجنة! ده العقد اللي كان بين النبي عليه الصلاة والسلام وبين الانصار! لا هتاخذوا مركز ولا هتبقوا ولا هتبقوا قادة ولا هتاخذوا شهرة ولا هتاخذوا ده انتم هتاخذوا الجنة. راضيين بالعقد ولا مش راضيين بالعقد؟ جردي نيتك انك مش عايزة اي - [00:01:16](#)

في حاجة من شغلك في الدعوة. ما انتاش عايز اي حاجة من جهادك في التربية غير بان لهم الجنة ان احنا نفوز بالجنة. لقد باب الله. لقد تاب الله على النبي والمهاجرين والانصار. لقد تاب الله. بعد اثنين وعشرين سنة. بعد مية وتلاتين غزوة سرية. بعد اثنين وعشرين سنة - [00:01:36](#)

منهم ثلاث سنين في شعب. منهم ثلاث سنين جلد في المرحلة الجهرية. منهم عامل حزن للنبي عليه الصلاة والسلام. اتعرض للقتل في شوارع مكة. ربنا قال لقد تاب الله يعني التوبة دي مش كلمة كده سهلة يا جماعة. عشان كده سورة التوبة من اطول سور القرآن اسمها التوبة. التوبة دي اطول رحلة هتقطعها في حياتك. عشان ربنا يتوب - [00:01:56](#)

احنا فاكرين ان تاب الله دي كلمة سهلة. غفر الله دي كلمة سهلة. رضي الله دي كلمة سهلة. الا ان يشاء الله. لقد تاب الله بعد كل ده. اخر الاية - [00:02:16](#)

ثم تاب عليهم. يعني تاب ثم تاب ثم تاب. يعني ايه تاب تاب يعني عاد بالعطاء والمدد والحفز من غير ما ربي كل شوية يديك. كل شوية يسبتك. انت طول الطريق محتاج دعم من الله. انت طول الطريق عشان تكمل محتاجة فتح بعد فتح - [00:02:26](#)

ومدد بعد مدد ونصر بعد نصر ونور بعد نور انت محتاج ربنا في كل خطوة. عشان كده العلماء قالوا تب ثم تاب يعني تاب ثم تاب ثم تاب. يعني كل - [00:02:45](#)

شوية عطاءات كل شوية مدد كل شوية تسبيت. احنا محتاجين ربنا في كل خطوة. وكونوا مع الصادقين. مين الصادقين؟ الثلاثة المخلفين. اللي ربنا خلق المدينة المنورة خمسين يوم ما تتكلمش معهم. دول النهارده بقوا الصادقين بعد ما تابوا هي التوبة بترفعك اوي كده عند ربنا. هو انت ممكن بالتوبة تعمل نقلة بعد ما كنت - [00:02:55](#)

حاجة لا مساس المجتمع كله معتزلك. تبقى انت قدوة المجتمع كله وربنا بيقول خليكوا ورا دول وخليكم مع دول ولا يرغبوا بانفسهم عن نفسه. الله! اوعى تفتكر ان انت لك قيمة اكثر من النبي عليه الصلاة والسلام في الحياة. النبي عليه الصلاة والسلام اتعرض للسم - [00:03:15](#)

وعشان الدعوة الى الله في موقف دعوي. النبي عليه الصلاة والسلام اتعرض للقتل وهو بيطوف حوالين الكعبة. النبي عليه الصلاة والسلام اتعرض لعشرين محاولة اغتيال من المنافقين والمشركين يهود والنبي عليه الصلاة والسلام اتأذى واترمى عليه امعاء الابل. النبي عليه الصلاة والسلام جاع. النبي عليه الصلاة والسلام قعد تسعناشر سنة ينام من غير عشاء. لحد ما - [00:03:33](#) خيبر. النبي عليه الصلاة والسلام كان بيعدي شهرين على بيته ما فيش نار. ما فيش رغيغ عيش. تمر وماية. ولا يرغبوا بانفسهم عن نفسه. اوعى كل اللي النبي عرض نفسه له لازم ما تستخسرش نفسك فيه. انت مش اغلى من النبي لا عند ربنا ولا في الحياة ولا في القيمة. انت كل اللي النبي - [00:03:53](#)

عرض نفسه ليه؟ عشان كلمة الله تكون هي العليا لازم تعرض نفسك له. وما كان المؤمنون لينفروا كافة. لازم نتوزع بقى لا تدخلوا من باب واحد لازم يا جماعة يبقى ابواب صغور الدين متوزعين عليها. مش كله هيشغل في الدعوة. ولا كله هيشغل في العبادة. ولا كله هيشغل في طلب العلم. لازم نتوزع. كله - [00:04:13](#) كله مجاهد وما كان المؤمنون لينفروا كافة. مش كلهم هيقاتلوا بالسيف. فيه ناس هتجاهد بالعلم. فيه ناس هتجاهد بالدعوة اولاً يرون انهم يفتنون في كل عام مرة او مرتين من صفات المنافق انه ما يقدرش يترجم الرسائل الربانية. مش عارف ربنا بيمرضه مرتين في السنة - [00:04:34](#)

يعني سنة عشرين عشرين دي لحد دلوقتي فتن البشر كم مرة؟ مش مرة او مرتين ده كورونا وزلازل وحرائق استراليا وازمات اقتصادية حاجات رهيبة والناس ما بتفوقش برضه. مصيبة المنافق انه ما يقدرش يترجم الرسائل الربانية. اوعى تبقى كده افهم لما ربنا بيعت لك رسالة - [00:04:55](#) ترجم الرسالة صح. فان تولوا فقل حسبي الله. ختام سورة التوبة. ربنا بيقول للنبي عليه الصلاة والسلام. لو التلاتين الف مقاتل اللي خارجين وراك لقتال اليوم سابوك قل حسبي الله كمل لوحذك. ربنا مش هيسيبك العزيمة والهمة والقوة النفسية مكملين. لا تتراجع ولو - [00:05:15](#)

تخلت عنك الدنيا وما فيها. وتركوك قائمة مش تركوك منهارا. مش تركوك واقفة تركوك قائمة. لو كله اتخلي عنك. لو كله سابك كمل وربنا مش هيخذلك وربنا مش هيسيبك ومش هيتخلي عنك. نبدأ في شعارات سورة يونس يا جماعة. ان لهم قدم صدق عند ربهم - [00:05:35](#)

الله! شف البشرى ان لهم قدم قدم ده يعني ربنا هيقدملك على غيرك. يعني ربنا هيخليك من الاوائل على البشرية في الفردوس الاعلى. سورة يونس نازلة في اخر مكة في اصعب فترة دعوة في السيرة كلها اللي هيوقف مع الدين في الشدائد ربنا هيقدمه على الكل الدين مواقف. الدين مش كتر صلاة وصيام - [00:05:55](#)

بس الدين مواقف اللي هيوقف مع الدعوة الى الله في وقت الازمات ربنا هيخليه من الاوائل على الفردوس الاعلى. ان لهم قدم صدق يعني وعد صدق عند ربهم مين يحب يبقى من الاوائل؟ عند الله سبحانه وتعالى. ان الذين لا يرجون لقاءنا، مش لا يؤمنون بلقاءنا. كثير اوي يا جماعة - [00:06:15](#)

اللي ما بيشتغلوش للآخرة مؤمن بالآخرة بس هو لا يرجوها. مش طمعان في حاجة من وراه. ما بيحلمش بها اصلا. ما بيفكرش في الجنة. الانسان اللي ما بيفكرش في الجنة ومش مشتاق لربنا - [00:06:35](#)

مش بيفكر في الآخرة اصلا لا يرجون لقاءنا. ورضوا بالحياة الدنيا واطمننوا بها. رضوا بشهواتها واطمننوا باسبابها مآتة. يا عيني! يا عيني! يقول لك انا انا امنت لولادي مستقبلهم بحتة ارض. قبل ما جسده بيرد في التربة يكون اولاده باعوا الارض - [00:06:48](#) وضيعوا الفلوس بتاعتها على الشهوات والملذات. ورضوا بالحياة الدنيا. اوعي ترضي بها. اوعي ترضي بالحقيقة الدينية اللي اسمها

الدنيا دي. اوعي اوعي الدنيا تبقى هي رضاك زي سيدنا سليمان لما ادوا له هدية قال لهم بل انتم بهديتكم تفرحون. انتم اللي الدنيا تفرحكم. احنا بتوع اخرة. احنا اللي يفرحنا رضا الله - 00:07:08

توبة الله علينا سبحانه وتعالى. دعواهم فيها سبحانه اللهم مفتاح التسخير في الجنة كلمة سبحانه يعني اللي اللي بيشتهي اكل اللي بيشتهي وليمة في الجنة يقول سبحانه! الملايكة تيجي تخدمه. التسبيح هو مفتاح التسخير في الدنيا والاخرة. كل ما تسبحي اكثر - 00:07:28

كل ما ربنا يسخر لك كل الاسباب على قدر تسبيحك على قدر ما ربنا يغير لك السنن. على قدر تسبيح العبد على عشان كده ابن تيمية يقول من نام على التسبيح اوتي عزا. يبقى عنده قوة في الحياة اقوى من احتمال جسمه اصلا. واقوى من نسبة الهرمونات بتاعة القوة والنشاط في دمه - 00:07:46

واقوى من نسبة عضلاته في الجسم. ازاي ؟ هو كل ما الانسان يسبح يعني يعظم ربنا على كل شيء كل ما ربنا اترك لهذا الانسان السنن ويغير له القوانين عشانه. ويدي له كرامات - 00:08:06

فلما كشفنا عنه ضره مر كأن لم يدعنا. الندل وما يشهد باياتنا الا كل خطار. الخطار الغدار بس بيغدر مع ربنا هنا ندل واحد بيستندل بس مع مين ؟ يعني وهو محتاج ربنا يا رب. فلما كشفنا عنه ضرها كان بطانية كده واكتشفت - 00:08:22

خلاص بقى الدنيا رجعت تاني مرة كأن لم يدعونا اليه ولا كانه يعرف اصلا من هو الله. مر كأن لم يدعنا من الشعارات قرآنية هو الذي يسيركم نحسها اوي في ازمة كورونا يا جماعة. العالم مشلول هو الذي يسيركم. ربنا بيقول للبشر انا كان ممكن اصيبك في رجلك اخليك ما تقدرش تمشي - 00:08:42

ما يبقاش فيه موصلات. ما يبقاش فيه طرق اصلا. ما يبقاش قانون الماية انها تشيل السفن ولا قانون الهوا انه يشوف يشيل الطيارات هو الذي يسيركم. انت اللي بيحركك في - 00:09:02

ربنا سلمها له بقى. سلمها له. وجاءهم الموح من كل مكان. وظنوا انهم احيط بهم دعوا الله. هو لازم الموح يحوطك عشان ترجع لربنا. ما ينفعش ترجعي له من غير مك - 00:09:12

ما ينفعش ترجعي له من غير حصار من من الكرب والضيق والفقر والاكثاب. ما ينفعش تيجي لربنا من غير اكتئاب! ما ينفعش ربنا يجيبك على رجلك من غير فقر ما ينفعش ربنا يجيبك من غير بطالة ولا عنوسة. ما ينفعش تبقى الدنيا حلوة وتيجي لربنا فيزيدك نعمة على نعمة - 00:09:29

انما بغيكم على انفسكم متاع الحياة الدنيا. فيه قراءة عشرية انما بغيكم على انفسكم متاع الحياة الدنيا ربنا بيكلم الزلمة ، اللي ظلهم الناس انما بغيكم على انفسكم يعني انتم بغيتوا وزلتم ناس زيهم زيكم على انفسكم. يعني على بشر زيكم يا اللي - 00:09:49

ظلمتوا الناس يا اللي كلتوا ورس الناس. يا اللي كلت ورس اختك. يا اللي دوست على رقبة واحد عشان تترقى. يا اللي دوست على رقبة شعب عشان تقعد على كرسي - 00:10:09

يا اللي ظلمت حد وانت عارف انه مزلوم. متاع الحياة الدنيا. متاع هنا خبر بقى على قراءة الرفع. يعني في الاخر انت زلمت عشان ايه ؟ عشان دنيا عشان دنيا يومين وهتروح منك وهتترمي تحت التراب. ما تستاهلش. ايه اللي يستاهل ؟ انك انت تظلم وتبغي - 00:10:19

انما مثل الحياة الدنيا. المسل ده انا بضرب مسل لما يكون فيه حاجة غامضة. حاجة انا مسلا انا رحت مسلا امريكا شفت حاجة انت ما تعرفهاش. فباقول لك مسلا شاب - 00:10:38

انما الدنيا دي احنا كلنا عايشينها وحاسينها ولامسينها وشايفينها ده احنا عايشين فيها. هو ربنا بيدينا من كتر ما حب الدنيا عمانا عن حقيقتها واحد من كتر ما بيحب مسلا صاحبه ولا مراته ولا آآ هو انسان لئيم. بس هو من كتر ما بيحبه معمي عن حقيقته. فانت محتاج تدي له مسل - 00:10:48

ربنا بيدينا مسل للدنيا اللي عايشينها من كتر ما حبنا لها. عمانا عنها. فجعلناها حصيدا كان لم تغن بالامس. زي كورونا كده فجأة حزر

تجول في العالم كله حصيد زي الزرع اللي اتحصد بالزبط. كاني كانت جنة واتحصدت. كان لم تغن بالامس - [00:11:08](#)
قدرة الله على انه ينتقم من اللي عصاه. قوة الله سورة يونس بتتكلم عن قوة الله. قوة ربنا امام العاصي هيبقى شكلها ايه هنالك تبلو
كل نفس ما اسلفت البلو هو كشف الحقيقة. يعني بلا الثوب يعني اتقطع فكشف الجلد اللي تحته. هنالك - [00:11:28](#)
كل نفس ما اسلفت. كل انسان هيككشف حقيقة اعماله في الدنيا. كان فيه ناس بتشتغل وفاكرة ان هي بتشتغل خير وبتعمل خير.
وهي اصلا قاعدة تحارب الدين وقاعدة تحارب الدعاء. وهي اصلا بتفسد في الارض. كل واحد هيعرف حقيقة عمله يوم القيامة. فاني
تصرفون. الله! الجملة دي باحبها - [00:11:48](#)

سنين عشت مع كلمة فاني تصرفون ازاى؟ الواحد لما يبص في السما ويبص في منزر الشروق والقمر منازل والسما الصافية والسما
فوق بحر امواجه كده بتهدر لما تسافري كده في الشتا قدام بحر لوحده. والدنيا كلها بتاعتك كده وطيور بتعدي وسط الغيوم -
[00:12:08](#)

والنبات والقشرة الارضية اولم يروا الى الارض. الارض دي معجزة مذهلة في الجمال والابداع تصرفون ازاى قلبك ينصرف عن الله؟
بعد معجزات قدرة الله اللي انت شفتها. ازاى قلبك يفكر في غيره؟ فان - [00:12:28](#)
اتصرفون ايه اللي شغلك عني؟ ايه اللي صرف قلبك عن الله سبحانه وتعالى ومنهم من ينظر اليك. الله! افا انت تهدي العمر؟ ربنا اعتبر
ان شكل النبي بس اية على صدق الاسلام. الصادق ببيان - [00:12:46](#)

الصادق ببيان يا جماعة. عبدالله بن سلام لما شاف وجه النبي عليه الصلاة والسلام قال اشهد ان هذا الوجه ليس بوجه
كذاب. جميل الشعار ده عشان واحنا بنقرا القرآن نفتكر الصلاة على رسول الله. صلى الله عليه وسلم. قل بفضل الله وبرحمته اللي هو
القرآن. فبذل - [00:13:01](#)

ذلك فليفرحوا. الفاسدين فرحانين. تلاقي الولد وهو ماشي مع البنت قاعدين يدحكوا وفرحانين. انت اولى الناس انك تفرح بس
بالقرآن بقى بس بالقرآن فما اتاني الله خير مما اتاكم. القرآن والمعجزات واحد يقعد يبص كده على الانوار اللي في القرآن. كل جملة -
[00:13:21](#)

كده بيدينا فيها الف معنى والف رسالة والف نور. كل ده لنا احنا يا رب. كل النور ده يا رب عشان احنا كل ده كرم منك. كل ده رضا
منك كل ده - [00:13:41](#)

آآ رحمة منك ده انت جميل اوي يا رب. ده انت كريم اوي يا رب فبذلك فليفرحوا. افرحي. الفرح عبادة. الفرح بالدين انك تصلي
وتفرحي انك انت تبقي اكثر واحدة تضحكي في الدنيا. انك يا اللي بتصلي وبتقوم الليل تبقي اكثر واحد بشوش زي النبي عليه الصلاة
والسلام. ده عبادة - [00:13:51](#)

من العبادات. الا ان اولياء الله لا خوف عليهم ولا هم يحزنون. اولياء الولي اللي هو القريب يعني اقرب الناس لربنا. اولياء الله ربنا ما
بيسبهمش. مين اولياء الله؟ اولياء الله اللي ربنا قال قبلها الا كنا عليكم شهودا. اهل مراقبة الله - [00:14:11](#)
سبحانه وتعالى ويحق الله الحق بكلماته. مش بكلماتنا. امنعوا الدعاء. اقلعوا القنوات الاسلامية. امنعوا اي امنعوا اقلعوا المساجد. ربنا
اصلا بينصر الدين بكلماته مش بكلماتنا احنا. ان الله سيبطله. سحر الممسليين والمهنيين - [00:14:31](#)

والكليات والعري فجور والسوشيال ميديا ان الله سيبطله زي ما موسى قال القوا ما انتم الكون. هاتوا اخركم واجعلوا بيوتكم قبلة.
مهمة قوي دي في رمضان الوقتي وفي زمن كورونا. اجعلوا بيوتكم قبلة لها معنيين جبارين. المعنى الاولاني اسكنوا قصاد بعض يا -
[00:14:51](#)

اسكنوا جنب بعض عشان تعملوا بقت ايمان. اسكنوا قبالة بعض الملتزم اللي بيسكن بعيد ده انا شفته والله يا جماعة دعاء كانوا
هينتكسوا ويسيبوا الدين. بسبب انهم راحوا سكنوا بعيد. اسكنوا جنب بعض. لم يا اللي شاب يا اللي بتتجوز رح هات شقة -

[00:15:14](#)

جنب صحبتك الصالحة. المعنى الثاني اجعلوا بيوتكم قبلة. يعني اجعلوا بيوتكم مساجد. لما يقفلوا بيوت العبادة بتاعتكم اقعدوا

اجتمعوا في البيوت بقى. وصلوا مع بعض في البيوت واقعدوا جلسات ايمانية في البيوت. وبشر المؤمنين. فالיום ننحيك ببدنك

لتكون لمن خلفك اية. فيه قراءات غير عشرية - 00:15:29

فالיום ننحيك. ربنا قادر انه ينحي اي رئيس من على الكرسي مهما كان ماسك فيه. لتكون لمن خلفك فيه قراءة غير عشرية لتكون لمن خلفك. يعني للي يمस्क بعدك عبر ولكن مين اللي بيتعظ بالعبر اللي ربنا بيديها لنا اخر شعار بقى يعني عايز اقوله لكم وان -

00:15:49

استغفروا ربكم ثم توبوا اليه يمتعكم. فامنوا فمتعنهم. المتعة والفرحة كلها مرتبطة بالتوبة. الناس متهيأ لها ثم توبوا اليه تتخنفوا وتعيشوا حياة خنيقة! لا والله! يمتعكم احلى حياة في طاعة الله. اجمل حياة مع القرآن ربيع قلبي ونور صدري. ربيع قلبي ونور

صدري. ربيع قلبي ونور صدري - 00:16:09

اللهم اجعل القرآن العظيم ربيع قلوبنا ونور صدورنا وجلاء احزاننا وذهاب همومنا. اللهم امين - 00:16:32